



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Dormi Secvre: Vel Cynosvra Professorvm Ac Stvdiosorvm Eloqventiæ,**

in qua Centvm Et Viginti Themata Oratoria. Non Solvm Stvdiosis, Sed &  
Professoribus eloquentiæ, ac pietatis veræ amantibus utilissima &  
pernecessaria explicantur ; Cum Indice rerum atq[ue] verborum locupleti

**Tympe, Matthäus**

**Coloniæ Agrippinæ, 1650**

XXXIV. Parænesis ad juventutem, ut audita diligenter retractet.

**urn:nbn:de:hbz:466:1-38994**



*diis vitio, inquit, nihil mali non inest.* Laudatur Atheniensium & Maecdonum institutum, qui severissima lege statuerunt, ut adversus ingratos iure non secus ageretur, atque si ære alieno, vel gravi crimine oppressi forent.

*Vide Val.  
Maxim.*

V. *à comparatis.* Si Tullio teste, in eos, quos speramus nobis profuturos, non dubitamus officia conferre, quales in eos existere debemus, qui jam profuerunt? Etsi Senatus Romanus anseres publico stipendio ali iussit, quod Capitolium à Gallorum imperu, strepitu & clangore liberassent, quàm gratos nos esse decet in eos, qui animas nostras curant, tuentur, & pascunt?

EPILOGUS *constabit adhortatione*, ut Auditores, cum in omnes, tum verò maximè in Deum, parentes ac præceptores, quibus, ex Arist. sententia, nunquam par meritis gratia referri potest, grati existant.

#### XXXIV. PARÆNESIS AD IUVEN- tutem, ut audita diligenter re- tractet.

EXORDIUM *à tempore & rei suadendæ necessitate*, quod iam lectiones inchoatæ sint in quarum initio studia fervere solent, qui fervor non in principio duntaxat, sed in medio etiam & fine requiritur, & quidem non in attendendis solum, sed & in retractandis ac ruminandis lectionibus auditis, ut quam altissimè animis infigantur ea, quæ præcepta sunt, & iam primas agere radices cœperunt.

PROPOSITIO: Proindè te statuisse, ad unum omnes amice admonere, ut per totum lectionum cursum omnia in scholis audita, quam dili-  
gen-



gentissimè ac fidelissimè retractent.

CONFIRMAT. I. LOCUS, *ab auditorum adiun-  
ctis*, quòd ista istiusmodi sint, quæ meritò repeti  
debeant, sive sint artium præcepta, sive præclara  
morum dogmata.

II. *ab imbecillitate humani ingenij*, quòd ipsum sine  
repetitione nihil, aut parum admodum observare  
queat, maximè in aliqua auctorù varietate. Hinc  
triturum illud: *LECTIO AUDITA, & non repetita, est quasi  
nulla*. Hinc Axiochus à Socrate confirmatus in ad-  
versa valetudine, dixit se omnia post Socratis di-  
gressum, quæ ab ipso audierat, repetiturum. Si id  
ægroratus fecit, quid non faciet sanus?

III. *ab effectis repetitionis*. PRIMUS, quòd hinc e-  
veniat, ut omnia quàm tenacissimè hæreant. SE-  
CUNDUS, quòd hinc tardioris ingenii adolescentes  
sæpè ingeniosissimos vincant. TERTIUS, quia ut  
cibus post concoctionem maximè prodest; sic do-  
ctrina, quæ mentis quidam cibus est, post repeti-  
tionem, quæ quædam quasi concoctio est, maxima  
commoda habet.

IV. *ab ingeniorum diversitate*, quòd alii facilimè  
quid addiscant, alii difficulter: illi uti facilè perci-  
piunt aliquid, ita citissimè percepta vèris tradunt,  
nisi repetitione crebra sibi retineant: hi, quia non  
nisi summo labore quid percipiunt, omnem diffi-  
cultatem repetitione vincunt.

EPILOGUS monebit Auditores ad diligentem præ-  
lectarum lectionum repetitionem.

